

近代中國史料叢刊續編第五輯  
沈雲龍主編

韜園詩集

賈景德著

文海出版社有限公司印行

賈先生景德著

韜園詩集

弟吳敬恆署



月	十	中
印	二	華
於	年	民
重	十	國
慶	二	三

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



韜園詩集序

懿夫乘標蜀徼是庚辰治水之年仗節印都當甲子週  
星之歲萬里閱巴渝之舞兩川尋卓鄭之風杜宇春歸  
本紀待諏於揚子捷為才博爾雅蒐注於舍人如我友  
賈煜如兄者生沁水公主之園居銅鞮大夫之域鯉庭  
趨對科第傳家虎帳參戎韜鈴習武孫伯鷹實司典籍  
羊舌肸夙習春秋固已蜚聲五正之先冠族七輿而上  
矣比以涓川小住巴國從遊秦子勅景相如之師謂宜  
建祠蜀郡譙允南續東京之志合須圖像益州策畫斯  
宏篇章彌富而廷錫為五十年前之舊好送三千程外

之征人望并州而卻是故鄉學師曠而已嗟晚歲驪駒  
一唱醺醺三巡昔也桐翦通盟季子獲交於趙武今也  
蘭陵息老孫卿仍接於浮邱豈非天假之緣事必有偶  
顧猶有感焉當夫堂開令德師聘齋三日讀書晉重  
啟咫聞之學六卿騰譽荀家訓公族之材南皮提綱鄉  
寧扶雅時 令叔書農先生適擢高才於建武登上舍  
於熙寧余也弟昆辛投縞紵教研周易改事王孫為釋  
左丘頻呼子慎話端氏紫金山色答晉祠碧玉詩篇此  
可念一也既而我過黃巷潘岳西征君履青丘管寧東  
上歷涓江之王險訪根矩之鬱洲郡領玄菟觀楊僕樓

船之壘生來白馬臨朝鮮椎結之都魚雁書通鳳鸞棲  
穩此可念二也無何運際屯蒙時丁鼎革淵明解組高  
密還家望觚稜金爵以棲遲偶歌燕市獲冊府元龜而  
披覽廣聚曹倉傳訓顏家碑題有道閒居沁口堰問安  
平此可念三也今者青綺門外博士來褚大本師玉樹  
庭中驟騎是司徒猶子長安相見舊事深談訊悉書翁  
沒已十載道悲兕虎讖應龍蛇追跡前塵能無隕涕所  
幸煜如兄瀧阡製表已彰崇國純修汾水摘辭獨踵秋  
風遺韻暇以所著韜園詩集八卷屬為弁辭於首余也  
文通才盡伯魯學荒緬金匱之搜儲敢玉臺之作序然

而三復其詩實超時傑鄉射鄒嶧史公樂東魯之遊詩  
賦江關開府多北周之作沈邁體建安之氣骨高華踰  
長慶之歌行臺駘實沈詠流太白飛狐上黨吟遍司勳  
宜昇乎民用延世澤嗟乎霜紅龕在如讀淮陰親定之  
編萼綠花開正逢巴嶺歲除之候十辟萬灌而加鍊五  
始六際以尋源看博物之辨黃熊稱為君子願鏡歌之  
登朱鷺先付史官世愚弟吳廷錫敬之甫謹序



韜園詩集序

三晉據太行之右襟山帶河俗厚風仁歌詠情素十五  
國風魏唐居其二山樞園繼蟋蟀杜地險民勞意深  
語健已與齊秦諸國壇坫抗衡矣七國交爭文事不傳  
魏晉以來人才蔚起河東太原兩郡為盛裴薛王溫諸  
族武達文通至唐益顯而上黨一郡勢高建瓴俯視邢  
衛昭義一軍備戰為先元魏學人惟屯留王聰上黨業  
興見魏書林傳見稱史冊唐分上黨地置澤州領獲澤沁水  
端氏三縣其後運會推移文儒炳蔚代有傳人今沁水  
賈君煜如一時傑出也君射策高才洛陽年少趨庭濟

美丹水

見水經  
沁水篇

名揚一裁潘縣之花民歌來後再持暴

君之斧吏戴風清腰龜還里衣錦治鄉民社倚為疑丞  
軍府諮為祭酒高步前人遠超流輩矣近以敵氛徇晉  
贊幕來秦借箸餘暇與羣彥文讌周旋頃出所撰韜園  
詩集八卷請為之序余觀晉中詩人趙宋以後首稱遺  
山清初青主蓮洋逸馨遠播近則石洲霞舉秋湄漪村  
華實並茂津逮尤多君壯年求治無暇吟翰四十以後  
始親詩社觀所作太原樂府語達政體太原平陽雜詩  
詠古思今悻惻雋永五六七卷入秦諸作處境艱苦振  
響愈高有少陵度隴以後之奇麗蓋境遇相似而見聞

地位有不同矣余昔與君叔父書農先生結交瀋陽情  
好莫逆辛亥夏瀋陽再至旋返京師書農惜別祖餞將  
意未幾政體改革余歸里伏處音訊莫聞今見煜如乃  
知家世明德詩書詒謀而傷書農久已逝世所願勝制  
千里盡埽鯨鯢檄草萬言還歸貔虎晉祠置酒霍太銘  
勳凱歌鏡吹當遙相應和奉揚豐烈敬弁篇首藉誌夙  
緣

民國二十九年一月十日富平七十二叟張鵬一拜撰



余自幼喜學為詩然賦性疏闊妃青儷白常不屑為之  
往往受父師訓斥而不知省改二十歲左右每與友朋  
相酬唱年少氣盛乘人鬪捷得詩頗夥然僅壬寅年潼  
關一首略能記憶其餘均散失無存蓋亦不足存也自  
通籍後服官各省日與應接者類皆俗事俗物殊無雅  
懷又以文學足以妨害吏治雖訟庭花落幕府蓮開而  
習聞庭訓恪守官常從未敢託諸吟詠實亦風塵鞅掌  
簿書堆案有循俗之累無兼人之才不能抽暇為之及  
其究也政事卑卑固無足道而學殖且日就荒落矣其  
自為計不已疏乎己未入都伴食京曹端居多暇稍復

治理舊業顧當時漫社諸友如周退舟張白翔輩曾屢  
邀入社而不肯應逮癸亥再返太原始以從事之餘肆  
為詩歌當是時并垣有所謂韜園詩社者余實主之一  
時老師宿儒文人學士相與詩酒往還者累年蓋至是  
人始知韜園亦能為詩然自甲子以還戰端復啟余以  
軍書旁午社事遂或作或輟又不暇長為此雅集矣竊  
嘗謂詩之為用在陶冶性情發摠胸臆但能以雅辭寫  
俗事以韻語寄高懷斯亦足矣既不必如白香山之老  
嫗能解亦何必故矜博奧專用澀語奇字眩人眼目此  
一說也詩中須有我在要當切合身世不容他人假借

況時代變遷新事物層出不窮若必求似古人篇篇漢魏如王士秋之所為則謂之為蘇李曹劉有何不可不必其為湘綺樓也此又一說也名家詩集充棟汗牛各有所長足資取法若專學一家自立門戶顯分派別是丹非素擁甲排乙匪但所見不廣成就亦正有限此又一說也春花秋月風景流連草木蟲魚體物瀏亮前輩名作既已如林多所仿效非弄月吟風卑無高論即拈花鬪草語同閨媛此又一說也工部為詩字字皆有來歷而下語如鑄筆力可以扛鼎是非五車熟讀豈容率爾操觚更非百鍊千錘不可輕於著筆此又一說也國

風多譏刺之辭小雅有怨誹之語古人作詩原無忌諱  
後世文字獄興始有詠史無題諸作曲譬影射難索解  
人今則國體變更言論自由事多拗舉儼不於倫諷諭  
雖當委婉有感何妨直書此又一說也凡此所云不過  
略舉數端雖皆老生之常談而實余作詩之微旨但恨  
為人作嫁不克勉副所期卓卓有所成立為可惜耳往  
與晉城郭允叔論詩允叔輒好為過情之譽謂余詩筆  
力有千鈞之重而偉麗不能過張文襄公欲將兩人之  
詩合印為晉兩生集問世自維膚淺既不敢望文襄項  
背遑言偉麗而允叔讀破萬卷所為詩含英咀華變化



莫測附驥求名實彰吾陋故迄未之許也今歲己卯值  
余周甲初度晉綏軍同人以抗戰期間不敢醵金為壽  
更勸議移資排印余詩固辭不獲輒搜集散稿寫付手  
民其中遺失之詩甚多以太原不守全稿淪於敵手故  
也粗加刪定釐為八卷大抵以入秦以來之作為多生  
值亂離毋亦有工部秦州以後之感歟然竊不敢比也  
儻不至用覆醬瓿覽之者當亦笑自謂不肯以文學妨  
害吏治之韜園勤苦半生曾不獲以事功表見於當世  
結果仍僅僅以詩求傳不亦重可恥乎況其詩並不足  
傳耶抑謬采虛聲不深知韜園者今乃知韜園之詩其

實不過爾爾是此舉反足以為韜園累矣則不如不印之為愈也質之諸同人其以為然歟否歟

中華民國二十八年十一月二十二日沁水賈景德自序於三原縣東里堡

是集編次既定因中日戰事方殷道途梗阻未能付印在茲經年續作又增加數十首輒重加釐定仍為八卷庚辰八月煜如附記

韜園詩集卷一

沁水 賈景德 煜如

壬寅年

潼關

潼關天下險南山列屏障黃河西北來洶湧走駭浪守  
國重禦暴為關計最上逡巡卻諸侯百二此更壯哥舒  
軍既潰羯胡乃西向白谷裏屍還中原遂板蕩叩關若  
敢入寧止蹶上將此來涉大川利濟值秋漲所憑是忠  
信幸未魚腹葬關門四扇開水陸在一望回首風陵睢  
連岡氣彌旺當世有俚言善寫邊界狀報曉驚一鳴三

省聞雞唱

庚申年

友人為製制服瓷畫像題此自嘲二首

四十吾非老開顏且自寬  
一塵真市隱七尺不儒酸  
翦天何醉鵬飛興未闌  
當年功狗恥愧對此衣冠

後起培蘭桂先零歎柳蒲  
豈真窮運命負此好頭顱  
事業樓壘蝨光陰隙過駒  
平生疏拙氣刻畫上眉鬚

樊次風囑題瓷畫像

二十年前舊友朋  
英雄事業兩無稱  
我今髮種石頭禿  
重見鬚眉感不勝

得男彌月與內子合攝一影戲題其上二首

四十平頭尚守株如斯骨相感今吾求田問舍成何事  
攤飯澆書不丈夫祇合起居同木石更拋得失付桑榆  
二毛侵鬢垂垂老短後思將塞馬驅

十載相依似影形宜男五歲四添丁相夫有口稱嫻禮  
生女垂髻解拜經少日鉛華歸棄置長年薪米費平亭  
刑家事業從今始第一刪詩是小星

喜題彤萸兩女照像

伯也沈潛仲秀靈有兒如此亦寧馨分甘議食皆生性  
習禮明詩在過庭兒等秉母教為多早解博聞徵故實斷難不

嫁惜娉婷小時了了非吾願望汝聰強到耄齡

贈日本鍼師中島新次

欲攬扶桑勝先鞭總讓人何緣逢海客角技亦鍼神尚  
武推三島斯文在大秦友朋交漸廣懃懇率吾真

辛酉年

晚學老人新葺止園落成以箋索詩並招遊讌賦

呈十首

老人姓宋名小濂  
前黑龍江都督

曲折 路驅車問止園沿隄環植柳背水別開門考

室詩盈帙呼朋酒滿樽平生遊覽興不惜數臨存

繞屋蟠高樹當門疊小山林深人隱約石滑路灣環花

鞭迎風笑苔封著雨斑年來塵網苦到此一開顏

嶽嶽朱門戶三朝鎮壯王當年休沐地園在後海南岸為清恭邸別墅

今日樂全堂大厦階雕碩華榱碧飾璫興亡何足問隔

夕是重陽

莞簟斯安寢機祥兆弄璋老人望切東橋煩問訊南戶永

馨香正室為先所祀花暖雲移影荷枯雨送涼臥遊那得此

相相到羲皇

後海朝煙起西山暮雨來避囂南郭遠攬勝北窗開萬

柳橫屏障千花落鏡臺老人詩自註云圓基甚高勝境全在西山屏後有大鏡將後海

及西北風景皆反此鄉風月好彝鼎任安排室內陳列古玩甚多

曲室深深見低牆短短遮關畦  
栽芍藥餉客遍茶瓜水  
石千椽屋風霜九月花  
菟裘君豈老椽度為寧家

旁舍羅圖籍商量結古歡  
大書顏晚學小酌勸朝餐  
列

席新羹膾傳真舊服冠閉門仍抱硯

室懸老人各種照  
像並抱硯瓷畫像

骨相不儒酸

乘障膺邊帥浮家歎寓公  
林園今道北桑野記徂東

老人

新卸中東鐵  
路督辦任

細柏寒疏翠山絜  
牘晚紅坐觀魚鳥樂蘋

末起微風

樓角餘殘照庭除又噉冥  
華燈明電火涼月淡天星  
賭韻忘昏曉攄懷託酒醺  
是誰修淨業來此問居停



笑我居城北三年久滯留槐庭忙過夏茅屋感經秋鄰  
許他年結官從未老休依依楊柳意雨雪更來遊

九日同文霞仙侍衛遊積水潭

尋常緩步來遊地九日登臨便惘然一角宮牆三海外  
數行楊柳百年前眼中幕燕仍安處啄到城烏亦可憐  
我是無田歸不得與君同醉菊花天

由積水潭步過西海沿遂至滙通寺登樓

安步乘遊興登樓日又西方塘明水木碩果賸山黎鄉  
思隨歸雁雄心付舞雞頗聞消夏計來此卜幽棲

周退舟新得曾文正公手批文選賦詩索和依韻

奉答六首

書為公手批貽其弟愍烈公國華物

閱市披遺笑裝池付錦函專疏思解李巧竊忽疑譚退

夢書區亡去四疊原韻

插架書千百趨庭歲十三兩京問奇字難

唱曉窗南

余年十三始從李父書農公讀文選誦授恆徹夜

狂寇糜三楚儒臣總六師奪情初奉詔抗疏再陳辭淚

漬咳蘭什春生謝草池淒涼風雪夜想見對牀時

原書題談

云壬子歲未諱里居束書不讀幾兩月矣偶檢文選盡十日之功而評識之以勗溫弟

旬日殫精力濡毫不苟完霸才生有數戰禍起無端事

業風行草勳華土朽棺獨留棠棣譜發篋見波瀾

楚些招魂日三河痛折兵升高期作賦急難竟從征一

卷傳家學千秋愛弟情至今留戰績真不負平生

將略兼儒術髯才本絕倫青燈商舊學墨經感勞臣百

戰動猶炳雙祠蹟已淪政革後公兄弟各一編展遺著

珍賞到千春

漢陽周晚喜退舟齊勝名疏選久儲材墜簡搜三古佳書讀

百回詞源仍涌峽退舟三四壘原韻繼至戰骨又成堆時直奉方

幸有傳人在無虞委草萊

癸亥年

娘子關道中

關門一過見旗旌根觸丘遲故國情累歲龍爭迷楚漢

餘年鳧跡又汾并欲安疏拙知何術敢為妻孥惜此行  
習習北風開晚霽亂山斜日暮雲平

同郭允叔吳西僑遊北十方院二首

十載并州道行行又北門河山橫障郭雲樹遠連村白  
塔迎人起黃塵蔽眼昏招提欣可問策馬一臨存

檀越原藩府山門有榜題

寺為淨因禪院  
晉府改名千壽

莊嚴唐佛古

解脫蜀僧迷

寺有峨眉僧願耽經  
典尤絮絮於澗絮

敗瓦依垣積叢楊被

隴齋劇憐行脚苦墟墓卜幽棲

時有枯禪在  
僧墓內入定

三月廿七日同郭允叔文霞仙遊晉祠四首

金碧樓臺半際山叔虞祠外費躋攀廿年遊屐成孤負

一霎飈輪自往還  
林木蔽天曦景少  
莓苔著地客衣斑  
唐槐周柏摩挲遍  
不及清溪水一灣

十道清泉似沸湯  
柳陰深處架飛梁  
雙流自昔來懸甕  
三版曾經灌晉陽  
故壘魚沈懷麥麴  
清時龍起數周唐  
絕憐五代興亡地  
一角山河幾帝皇

難老泉西古佛堂  
鄂公不作武臣裝  
年深寺廢無常住  
水繞山圍又夕陽  
銀杏受風雙樹矗  
金藤得雨遍山長  
臨流敲側三重屋  
薪火人爭說二王

所建晉溪書院王固  
陽明先生受知者

祠祠西有王忠肅公  
祠其前即忠肅公

漠漠平疇水護田  
繞祠雲樹碧於煙  
窮搜斷碣題黃絹

有約前村就白蓮淺草雜花三月暮古槐疏柳百年前

石翁新築山房好而我猶虛買宅錢

江叔海先生  
在溪南建築  
難老莊將

落成先生著  
有石翁山房筆記

### 題吳山民江南歸棹圖二首

長江如練挂輕帆雲白楓青水染藍我是北州遍行腳  
遊蹤從不到江南

底事天涯作寓公尊鱸歲歲負秋風南歸且說江鄉好  
一幅雲煙萬念空

### 同郭允叔哭朱復初廳長八首

寂寂城東路登車淚已傾淒涼三步約離合十年情混

俗官成累驅愁酒是兵桐鄉竟何處蕭瑟白楊聲

一別真長往三年闕報書懸知身健在不審病何如天

竟亡賢輔人猶候小車君出好乘膠皮輪小車帝閣無路叩貴壽

任乘除

五畝臨衢宅機祥付鬼師分香無亂命在抱泣孤兒愛

玩紛羅列艱難望護持似聞風月夜靈爽有來時

才貌難為弟文章遠過師周旋兩家語鄭重百年期豚

犬看成列膏蘭不自危終當率兒女羅酒謁靈旗內子

校尚有文名其女兄同時任教習余夫婦結婚即君執柯以余識內子女兄故就其才貌相軒輕也

有弟依皋廡原從內舉來數煩無隱教頗柰不羈才名

德彌尊重陶鎔遍草萊至今憐一蹶誰與振駑駘  
舍館尋常事勞君代訪求此來多晦朔卜宅尚移游車  
笠情何極雲泥志不侔萬千周摯意歷歷在心頭

愧少稱觴句翻貽介壽詩豈知逢晬日和淚綴哀辭松

柏邨山道風沙鬼伯祠一棺三尺土悽惻動人思

時夏曆四

月二十一日通君生辰開哲嗣小飲將卜葬君於城北穀旦村舊墓尚未定議

聞道臨終語呼茶款鮑侯知交期永訣繾綣到彌留文  
酒停長會艱危念運籌林花凋落盡一慟過西州

附郭允叔詩

海內青雲客相憐獨有公十年彈指過萬事蓋棺空



箕斗星辰上杯漿涕淚中棠梨零落盡扶路到城東  
槐里英英氣桐鄉黯黯思風雲有玄感舟壑已潛移  
赤棒千夫懾青錢萬選疲豈知殺君馬正坐路旁兒

俗語本風通

歲暮屠蘇酒啣杯過草堂自慚疏禮數不及倒衣裳  
薤露晞何易茵憑感未忘負公非一事補救或文章  
貌是諸孤託相將執簡來奇文足欣賞遺硯未塵埃  
蔓草荒園徑清鐘廢寺臺山丘華屋感難遣達人懷  
移家韜園允叔親家枉過賦詩見贈率成四律奉  
答並東楊階三廳長